

Dyfarnu £11miliwn gan y Gronfa Rhwydweithiau Natur i rywogaethau mewn perygl a safleoedd gwarchodedig

28/04/2023



Mae blodau'r gwynt i'w cael yn aml mewn coetiroedd hynafol.

Mae prosiectau sy'n gwarchod y gylfinir, glaswelltir a storfeydd mawn gorgors ymhlith y rhai sy'n elwa o gyhoeddiad rhaglen grantiau gwerth £11miliwn sy'n cael ei wneud heddiw.

Nod y Gronfa Rhwydweithiau Natur yw cryfhau gwytnwch safleoedd tir a morol gwarchodedig Cymru, cefnogi adferiad byd natur ac annog cymunedau i gymryd rhan mewn cadwraeth natur.

Mae naw prosiect sy'n gofalu am safleoedd sy'n gartref i rywogaethau prin ac mewn perygl yn cael arian heddiw.



Adfer mawndiroedd. Llun: Yr Ymddiriedolaeth Genedlaethol.

Ucheldiroedd amrywiol, cysylltiedig a gwydn

Mae Ymddiriedolaeth Genedlaethol Cymru yn cyflwyno prosiect Prosiect Uwch Conwy i adfer tirwedd ucheldir amrywiol a gwydn sy'n hygyrch i bobl.

Ardaloedd Morol Gwarchodedig Llewyrchus

Bydd gwaith Cyflwyno Ardaloedd Morol Gwarchodedig mewn Partneriaeth Cyngor Gwynedd yn gwella gwytnwch pum Ardal Forol Warchodedig fawr trwy gyfyngu ar weithgarwch niweidiol.



Mae gylfiniraid mewn trafferth, gyda'r boblogaeth yn gostwng yn sylweddol yn ystod y blynyddoedd diwethaf.

Adferiad y gylfinir

Mae'r Ymddiriedolaeth Cadwraeth Helwriaeth a Bywyd Gwyllt yn cyflwyno'r prosiect Cysylltiadau Gylfinir Cymru, Cysylltu Gylfinir Cymru er mwyn arbed y gylfinir sy'n nythu rhag difodiant.

Monitro poblogaethau adar môr a dolffiniaid

Bydd prosiect Rhywogaethau Dangosydd Morol Ymddiriedolaeth Natur De a Gorllewin Cymru yn canolbwyntio ar rywogaethau adar môr a dolffiniaid trwyn potel oddi ar arfordir gorllewin a chanolbarth Cymru.



Disgyblion ysgol yn dysgu am fywyd yn yr afon Irfon

Bioamrywiaeth dŵr croyw

Mae prosiect dalgylch Afon Irfon yr Ymddiriedolaeth Cynefinoedd Dŵr Croyw yn ceisio cynyddu gwytnwch y rhwydwaith bioamrywiaeth dŵr croyw ym Mhowys.

Glaswelltiroedd gwydn

Bydd prosiect Glaswelltiroedd Gwydn/Rhwydweithiau Cymru Plantlife International yn adfer glaswelltir a Safleoedd o Ddiddordeb Gwyddonol Arbennig.



Monitro rhywogaethau siarcod a physgod.

Cadwraeth forol

Mae Cymdeithas Sŏlegol Llundain (ZSL) yn cynnal Prosiect SIARC Cam 2 gyda phartneriaid gan gynnwys Cyfoeth Naturiol Cymru i lenwi bylchau data critigol ar gyfer chwe rhywogaeth o siarc, morgath a'r morgath.

Gwelliannau bioamrywiaeth

Mae Cyngor Bro Morgannwg yn cyflwyno prosiect Adfer y Dirwedd Ddawan i gyflwyno ystod o welliannau bioamrywiaeth ar hyd yr Afon Ddawan a'i llednentydd.



Lleden yn cuddio yn y tywod ar draeth.

Cysylltu â natur

Bydd Partneriaeth Grid Gwyrdd Gwent yn cynnwys pobl leol, ysgolion a chymunedau wrth greu rhwydweithiau o fannau naturiol gwydn yng Ngwent.

Cefnogi adfywiad natur

Ariennir y Gronfa Rhwydweithiau Natur gan Lywodraeth Cymru a'i darparu gan Gronfa Dreftadaeth y Loteri Genedlaethol mewn partneriaeth â Chyfoeth Naturiol Cymru.

Dywedodd Julie James, y Gweinidog dros Newid yn yr Hinsawdd: "Bydd y cyllid hwn yn helpu i hwyluso'r dull tîm Cymru sydd ei angen i wella cyflwr a gwydnwch ein rhwydwaith safleoedd gwarchodedig yn ogystal â chreu rhwydweithiau o bobl sy'n ymgysylltu'n weithredol â byd natur."

Gwarchod yr amgylchedd yn flaenoriaeth

Dyweddodd Andrew White, Cyfarwyddwr Cronfa Dreftadaeth y Loteri Genedlaethol yng Nghymru: “Mae gwarchod yr amgylchedd yn flaenoriaeth i Gronfa Dreftadaeth y Loteri Genedlaethol yng Nghymru. Dyma pam rydym yn cefnogi mentrau sy’n ein helpu i gyrraedd ein targedau cenedlaethol i adfer byd natur a lliniaru effeithiau newid yn yr hinsawdd ar dreftadaeth.

“Trwy bartneriaethau fel hyn, rydym yn buddsoddi mewn gwaith sy’n helpu i atal a gwrthdroi colled a dirywiad cynefinoedd a rhywogaethau a chaniatáu i bobl gysylltu â’n treftadaeth naturiol unigryw.”

Cyllid ar gyfer eich prosiect natur

[Porwch ein tudalennau ariannu](#) i gael gwybod am wneud cais am gyllid - o ba fathau o brosiectau a chostau y gallwch gael cyllid ar eu cyfer, i'r camau y mae angen i chi eu cymryd cyn i chi gyflwyno'ch cais.

Efallai y bydd gennych chi ddiddordeb hefyd mewn ...

Crystal Palace Park

Newyddion

More than £24million awarded to heritage projects across the UK

From John O'Groats to Penzance, across Wales and Northern Ireland, we're supporting the protection and conservation of parks, built heritage, memories and more.

28/03/2023

Cytref o huganod. Credyd: Dave Boyle

Newyddion

£3.78 miliwn i rywogaethau a warchodir a safleoedd natur ledled Cymru

Mae ystlumod, wstrys a chacwn ymhlith y rhywogaethau prin yng Nghymru a fydd yn elwa o'r ail rownd o grantiau Cronfa Rhwydweithiau Natur.

12/01/2023

Newyddion

Arian newydd ar gael i greu coetiroedd bach yng Nghymru

Dros y ddwy flynedd nesaf, rydym yn anelu at ddosbarthu £2.62 miliwn i roi hwb i fannau gwyrdd ar draws Cymru. Mae gennym ddiddordeb penodol mewn rhoi cefnogaeth i greu Coetiroedd Bach mewn ardaloedd trefol a lleoedd a fydd yn cysylltu mannau gwyrdd presennol â'i gilydd. Pwy all ymgeisio Mae'r

03/04/2023